

# Q V A E S T I O M E D I C A

## CARDINALITIIS DISPUTATIONIBVS MANE DISCVTIENDA, IN SCHOLIS MEDICORVM DIE IOVIS XVI. MARTII,

M. NICOLAO PIETRE DOCTORE MEDICO, DECANO, MODERATORE.

*An febre continuâ incipiente, vnâ erumpentibus statâ periodo menstrui, Basilica potius quàm Saphena secunda?*

713

**F**EBRIS accensa primùm in corde, mox sese in omnes corporis partes diffundit, si plures persistat dies, nec antè desinat, quàm fuerit omnino extincta, <sup>et vixis</sup> dicitur: pabulum illi suppeditat putredinis vitio labefactus sanguis, ille cum simplex non sit, nec vniusmodi putredinis ratio, varias profert febris continuâ species, synochum putem <sup>quod non est etiam quod</sup> his accensetur à plerisque semitertiana, intermittens potius habenda. Putret sanguis in maioribus venis, ijs præcipuè, quæ cordi propinquæ sunt, vt quæ minores, & à corde remotiores sunt venæ, putredinarium, sedis, vteri, huius fomitis febrilis nihil aut minimum contineant. Hinc fit vt hæmorrhagia critica, quavis ætate, febrem vix vnquam soluerit: plerumq; nocuerit quouis febris tempore, etiam melancholicis, aperta hæmorrhoiis: mulieriam primùm febricitanti nunquam profuerit menstrua purgatio, vt eâ, statâ etiam periodo, <sup>etiam</sup> prodeat.

**F**EBRIS cum primùm insilit, quandoque sola est, quandoque illi assidet plures affectus, graues, leues: venter, vomitus, animi deliquiû, cæthymata, capitis dolor, nec inde funesta, salutarive censenda: plerisque rapuit vis effera febris, qui eâ ineunte se febricitare nescienti; conualtere plurimi, quos sui primordio febris penè oppræsserat grauitate symptomatum: vt ex febris initio, quis illius sit futurus exitus, secundus, aduersus, non facile sit Medico prospicere, in eo vix nonnunquam illa consistit, modò nata, mox viget, sæpiùs moratur, morandi causam innectit pepasimus difficilis, vt quandiu febrilis humor immaturus extiterit, febris incipere dicatur.

**F**EBRIS <sup>κατ' ἀρχάς</sup> est <sup>ἀσθενέστατη</sup> naturam tamen superat, eamque priuat quilibet audendi potestate, vt excretionem nullam valeat suscipere, nequeat vllam actionem perficere: innatus calor naturæ vires, & magna potentia solus, igneus iam est & febrilis: tùm febris duntaxat impulsu splendida bilis vomitu fecessuue effunditur: serum sudore propellitur, sanguis fugit venis, & erumpit statâ etiam vice, & vijs quas natura terit sæpiùs, natis hæmorrhoidibus, vtero: insilit scilicet morbus quandoque naturæ vestigijs, illiusque secatur <sup>appellatur</sup> atque hac recti specie, ægrotos opprimat incautos, fallit assidentes, ludit & Medicos.

**K**A T A M H N I A sunt sanguis, qui mense quoque naturæ lege, non lunari ratione, per locos fertur, purus est & benignus: illius tamen <sup>καθ' ἀρχάς</sup> exoptanda mulieri cum vacuæ, tùm grauidæ ( quæ eo nomine sana est) in nutrice etiam non damnanda, profutura plurimùm si certo procedat circuitu: at ipso febris initio, si illa contigerit definita etiam die, nec solatio, nec remedio esse potest. Etenim qui profluit sanguis nullâ febrili labe est aspersus, etsi corruptus ille esset, non maturus excerni: nec eò leuior sit febris, sæpiùs illa ingrauescit, sæuiuntque magis symptomata, vt menstruam purgationem periodicam, quæ febri incipienti accesserit, nullâ arte promouere debeat Medicus prudens, & mulierum salutis consultus.

**F**EBRIS continuâ curatio phlebotomiâ perficitur, cadenda præcipuè Basilica: expedita illius sectio, ampla est, febrili vicina foco, nec procul remota à præcipuis corporis partibus, vt eâ sectâ citissimè refrigerij plurimùm cordi, æstu febrili accenso, comparetur, febrilis humoris multum euacuetur, vnâque cerebro, thoraci, visceribus nutritijs febre male affectis, succurratur: inde quam primùm, nec semel, detrahendus sanguis mulieri, profluentibus quoque tempestiuè mensibus, atque etiam puerperæ, quæ ritè purgatur, si forte febris accesserit, nullo menstruorum vel lochiorum suppressionis metus quippe quæ non ex eo promanent fonte, ex quo detrahatur febrilis sanguis, superiôrque sit arte natura, quæ locis subest, & opituletur ei vis illa, quæ corpus vniuersum regit, huius phlebotomiæ præsidio munita, vt tùm menses, & lochia profluant copiosius. Non eadem commoda præbet ad malleolum incisâ Saphena, angustior est, longiori à corde distita intervallo, nec illa adeo commodè secatur, priuatas duntaxat exhaurit sedes, vt in iuerso corpori, febre continuâ laboranti, subuenire nequeat.

*Ergo incipiente febre continuâ, vnâ erumpentibus statâ periodo menstrui, Basilica potius quàm Saphena secunda.*

159



Proponēbat Lutetiæ NICOLAUS BRAIER, Caltrithiericus, anno R.S.H.M.DC.XXVIII.